



Պարույր Սևակ

Հպարտ եմ ես

Հպարտ եմ ես նրա համար,
Որ փառահեղ՝ պատմությունը,
Եվ անունը այնքան հին է:
Հպարտ եմ ես նրա համար,
Որ փլվել է թեպետ տունը,
Բայց չի խախտվել նրա հիմք:
Հպարտ եմ ես, որ քեզ համար
Որդիները դարեր ընկան,
Որ սուրբ պահեն քո անունը:
Հպարտ եմ ես, որ քեզ համար
Թանկ է եղել թանաքն այնքան,
Որքան կարմիր քո արյունը:
Հպարտ եմ ես քո մատների
Ճարտարության անհատնելի,
Քեզ թարգմանող քո գրքերով:
Հպարտ եմ ես անվամբ քո սուրբ,
Լեզվով, որով երբ չես խոսում՝
Նույնն ես ասում քո երգերով:
Հպարտ եմ ես քո անցյալի
Մաքառումով ու պայքարով,
Տոկունությամբ, կամքով համառ:

Հպարտ եմ ես քո պանծալի,
Քո լուսավոր այս ներկայով,
Որ... գալիք է այլոց համար:

03.VI.1951թ.

Երևան